



सहकारी क्षितिज

1 मार्च 2023

सहकारी लेई वरदान ऐ बजट: अमित शाह



केंद्रीय गृह ते सहकारी मंत्री अमित शाह होरें दस्सेआ जे 'सहकार से समृद्धि' दे मंत्र दा पालन करदे होई भारत सरकार माननीय प्रधानमंत्री नरेंद्र मोदी हुंदी अगुवाई च करोड़ों लोकें दे जीवन स्तर गी सहकारी संस्थाएं गी राएं बधाने लेई संकल्पित ऐ। सहकारी क्षेत्र गी मजबूत करने लेई बजट 2023 च लैते गेदे बेमिसाल फैसले इस संकल्प दा प्रतीक ने।

दुनिया दी सबनें थमां बड्डी विकेंद्रीकृत भंडारण क्षमता स्थापित करने दी योजना कन्नै, सहकारी संस्थाएं कन्नै जुड़े दे करसानें गी उचित समें उप्पर बेचने कन्नै उंदी पैदावार दी उचित कीमत हासल होई सकग, ते एहदे कन्नै करसानें दी आमदनी च बाढ़ा करने दे प्रधानमंत्री नरेंद्र मोदी हुंदे संकल्प च मती भूमिका होग। सरकार अगले 5 बरें च हर पंचायत च नमीं बहुउद्देशीय सहकारी संस्थाएं, प्राथमिक मच्छी पालन सोसायटीएं ते डेयरी सहकारी संस्थाएं दी बी स्थापना करग। चीनी सहकारी संस्थाएं गी 2016-17 थमां पैह्ले करसानें गी दिते गेदे भुगतान गी उंदे खर्च च दस्सने

दी सुविधा दित्ती गई ऐ। ऐदे कन्नै सहकारी चीनी मिल्स गी तकरीबन 10 हजार करोड़ रुपें दी राहत मिलग।

केंद्रीय सहयोग मंत्री होरें प्रधानमंत्री हुंदा बी आभार जताया जे ओह 31 मार्च 2024 तगर बने दे निर्माण क्षेत्र दी सहकारी संस्थाएं गी सिर्फ 15 प्रतिशत टैक्स नेट च गै रक्खेआ ऐ। नकद निकासी पर टीडीएस गी 3 करोड़ रुपें दी सीमा बनाने ते प्राथमिक कृषि ऋण सोसायटी (पीएसीएस) ते प्राथमिक सहकारी कृषि ते ग्रामीण विकास बैंकें (पीसीएआरडीबी) लेई नकद जमा ते ऋण लेई हर सदस्य गी 2 लख रुपेS तगर दी सीमा बनाने दा फैसला सराहनीय ऐ।

साभार: पीआईबी

राष्ट्रीय स्तरीय बहुराज्य सहकारी निर्यात सोसायटी

माननीय प्रधानमंत्री नरेंद्र मोदी हुंदी अध्यक्षता च केंद्रीय मंत्रिमंडल ने 2002 दे बहुराज्य सहकारी संस्थाएं (एमएससीएस) अधिनियम दे तैहूत राष्ट्रीय स्तरीय बहुराज्य सहकारी निर्यात सोसायटी दी स्थापना ते बढ़ावा देने दी मंजूरी दित्ती ऐ। इस कम्मे च संबंधित मंत्रालयें खासकरियै विदेश मंत्रालय ते वाणिज्य विभाग, वाणिज्य ते उद्योग मंत्रालय ने अपनी निर्यात सरबंथी नीतियें दे जरिए, सहकारी संस्थाएं ते सरबंथत संस्थाएं आसेआ पैदा कीते गेदे सभ्भे माल ते सेवाएं दा निर्यात करने लेई 'पूरी सरकारी दृष्टिकोण' दा पालन करियै योजनाएं ते एजेंसियें गी दा समर्थन मिल्लेया।

प्रस्तावित सोसायटी निर्यात गी अंजाम देने ते बढ़ावा देने लेई इक छत्र संगठन दे तौर उप्पर कम्म करियै सहकारी क्षेत्र थमां निर्यात गी जोर देग। एहदे कन्नै वैश्विक बजारें च भारतीय सहकारी संस्थाएं दी निर्यात क्षमता गी खोलने च मदद थोग। एह प्रस्तावित सोसायटी 'पूरे सरकारी दृष्टिकोण' दे राएं भारत सरकार दे बक्ख-बक्ख मंत्रालयें दी बक्ख-बक्ख निर्यात सरबंथी योजनाएं ते नीतियें दा फायदा हासल करने च बी सहकारी संस्थाएं गी मदद करग। एहदे कन्नै सहकारी संस्थाएं दा समावेशी विकास मॉडल दे राएं 'सहकार-से-समृद्धि' दे लक्ष्य गी हासल करने च बी मदद थोग। अपने माल ते सेवाएं दे निर्यात दे राएं ते सोसायटी आसेआ पैदा कीते गेदे सरप्लस थमां बंड कीते गेदे लाभांश कन्नै बी सदस्यें गी बेहतर कीमतें दा एहसास होने कन्नै दौनें दा फायदा होग।

निर्यात च सहकारी संस्थाएं दी लोड़

- 8.54 लख पंजीकृत सहकारी संस्थाएं जिंदे च 29 करोड़ शा मते सदस्य न।
- सहकारी संस्थां ग्रां दे आर्थिक बदलाव दी चाबी है।

- सहकारी संस्थाएं गी सभ्भे आर्थिक क्षेत्रें च अपने तुलनात्मक फायदे दा फायदा चुक्कने लेई वैश्विक स्तर उप्पर सोचने ते स्थानीय तौर उप्पर कम्म करने दी लोड़ ऐ।

निर्यात सोसायटी गी स्थापित करने दी प्रेरणा

- इंटरनेशनल बाजार गी मांग दा आकलन कन्नै सहकारी प्रोडक्ट/सेवा गी निर्यात क्षमता पर जोर।
- देश दे निर्यात च सहकारी संस्थां गी सीधी भागीदारी।
- निर्यात लई घरेलू सरप्लस, वर्किंग कैपिटल, रसद, तकनीकी ज्ञान ते सिखलाई दे इकठ्ठा करने लेई उचित संस्थागत समर्थन दा प्रावधान
- सहकारी संस्थाएं आसेआ पैदा कीते गेदे हर चाल्लीं दे माल ते सेवाएं दा खरीद, भंडारण, प्रसंस्करण, विपणन, ब्रांडिंग, लेबलिंग, पैकेजिंग, प्रमाणीकरण, अनुसंधान ते विकास बगैरा करना।
- आत्मनिर्भर भारत लई सहकारी संस्थाएं आसेआ पैदा कीते गेदे सरप्लस माल ते सेवाएं दे निर्यात च बाढ़ा ते "मेक इन इंडिया" गी बढ़ावा देना।
- इस कन्नै सहकारी क्षेत्र च मती रोजगार पैदा होग।

निर्यात सोसायटी दा प्रबंधन

- चार प्रमुख सहकारी संस्था इप्फको, क्रिभको, नाफेड, जीसीएमएमएफ ते एनसीडीसी हर इक 100 करोड़ रुपे दा योगदान करंग।
- सोसायटी दी अधिकृत शेयर पूंजी 2000 करोड़ रुपे होग, ते भुगतान कीती गेदी शेयर पूंजी 500 करोड़ रुपे होग।
- संचालन दा इलाका पूरे मुख्य च ऐ ते नई दिल्ली च पंजीकृत दफ्तर ऐ।
- सहकारी संस्थाएं - थमां प्राथमिक राष्ट्रीय लेइयै - सदस्यें दे रूप च सोसायटी च शामिल होने दे योग्य ने।

निर्यात सोसायटी दे कम्म

- देश च उपलब्ध सरप्लस गी सहकारी क्षेत्र च निर्यात करने उपपर ध्यान दिता गेआ ऐ।
- भारतीय सहकारी क्षेत्र गी व्यापक बजारें तगर पुज्जने लेई तैयार करना।
- पूरे संसार च भारतीय सहकारी उत्पाद/सेवाएं दी मंग च वृद्धि।

निर्यात सोसायटी दे फायदे

- वैश्विक बजारें च भारतीय सहकारी संस्थाएं दी निर्यात क्षमता पजाना।
- सहकारी संस्थाएं दे समावेशी विकास माडल दे राएं 'सहकर-से-समृद्धि' दा लक्ष्य हासल करना।
- माल ते सेवाएं दे निर्यात दे माध्यम कन्नै ते सोसायटी आसेआ पैदा कीते गेदे सरप्लस थमां बंड कीते गेदे लाभांश दे माध्यम कन्नै बेहतर कीमतें दा एहसास।
- सहकारी संस्थाएं दे 29 करोड़ सदस्यें गी इस पैलकदमी थमां फायदा होग।

जैविक उत्पादें लेई राष्ट्रीय स्तरीय सहकारी संस्था

माननीय प्रधानमंत्री नरेंद्र मोदी हुंदी अध्यक्षता च केंद्रीय मंत्रिमंडल नै 11 जनवरी, 2023 गी इक ऐतिहासिक फैसले च 2002 दे बहुराज्य सहकारी संस्थाएं (एमएससीएस) अधिनियम तहत जैविक उत्पादें लेई राष्ट्रीय स्तर दे सहकारी संस्था बनाने ते इसगी बढ़ावा देने गी मंजूरी देई दिती। इस कम्म च सरबन्धत मंत्रालयें खासतौर उपपर वाणिज्य ते उद्योग मंत्रालय, कृषि ते करसान कल्याण मंत्रालय, खाद्य प्रसंस्करण उद्योग मंत्रालय, सेहत ते परिवार कल्याण मंत्रालय ते पूर्वोत्तर क्षेत्र दे विकास मंत्रालय (एम/डोनर) उंदी नीतियें, योजनाएं दे राएं ते 'सब सरकारी दृष्टिकोण' दा पालन करने आहू ली एजेंसियां दा समर्थन रैया।

प्रधानमंत्री होरें दिक्खेआ ऐ जे "सहकर-से-समृद्धि" दे विजन गी सहकारी संस्थां दी ताकतें दा फायदा लैने ते उनेगी सफल ते जीवंत कारोबारी उद्यमं च बदलने जे सब्बन जतन कीते जाने चाहिदे ने। इस चाल्ली सहकारी संस्थाएं आस्तै अपने तुलनात्मक फायदे दा फायदा चुक्कने आस्तै वैश्विक स्तर उपपर सोचना ते मकामी तौर उपपर कम्म करना जरूरी ऐ। इसलेई जैविक क्षेत्र कन्नै सरबन्धत बक्ख-बक्ख गतिविधियें दे प्रबन्धन आस्तै इक छत्र संगठन दे रूप च कम्म करने लेई सहकारी क्षेत्र थमां जैविक उत्पादें गी जोर देने आस्तै एमएससीएस अधिनियम (2002) दी दूई अनुसूची दे तैहत् पंजीकृत होने दी लोड़ मसूस कीती गई ऐ।

जैविक खाद्य बाजार दी संभावना

- विश्व जैविक खाद्य बाजार (2020) दा कुल आकार 10 लक्ख करोड़ रुपे दे कोल ऐ।
- भारत 27 लक्ख हेक्टेयर जैविक जमीन कन्नै 4वें स्थान पर ऐ।
- दुनिया च कुल 34 लक्ख जैविक उत्पादकें च 16 लक्ख भारत दे ने।
- भारत दा विश्व जैविक बाजार दा हिस्सा सिर्फ 2.70% ऐ ते इस चाल्ली इसदे विस्तार दी बड़ी मती क्षमता ऐ।

जैविक कीS?

- बधदी सेहत ते पर्यावरण चेतना जैविक उत्पादें दी मंग दे मुख् चालक ने

भारत च जैविक उत्पादन दी संभावना

- भारत च अपनी बक्ख-बक्ख कृषि जलवायु परिस्थितियें दे कारण जैविक उत्पादें दी किस्म दे उत्पादन दी बड़ी संभावना ऐ।
- देश दे केई हिस्सं च जैविक खेतीबाड़ी दी विरासत च परंपरा खासतौर उपपर पूर्वोत्तर क्षेत्र (एनईआर) च इक होर फायदा ऐ, जिल्लें 2016 च सिक्किम गी पूरी चाल्ली जैविक राज्य दे तौर उपपर घोशित कीता गेआ ह।

जैविक बाजार च सहकारी संस्थाएं कीS?

- 8.54 लक्ख पंजीकृत सहकारी संस्थाएं जिंदे च 29 करोड़ शा मते सदस्य न।
- जैविक समूहें ते इसदी पूरी आपूर्ति श्रृंखला दे विकास लेई सहकारी संस्थाएं दा उपयोग कीता जाई सकदा ऐ। जैविक सोसायटी - बड़ी सहकारी संस्थाएं दा फायदा लैना।
- प्रमुख सहकारी संस्था जीसीएमएमएफ, एनएएफडी, एनसीसीएफ, एनडीडीबी ते एनसीडीसी इक जैविक सहकारी संस्था बनाने लेई मंत्रालय दी पैलकदमी करने लेई अगें आई गे ने।

- सोसायटी दी अधिकृत शेयर पूंजी 500 करोड़ रुपे होग, जिसदे कन्नै शुरूआती भुगतान कीती गेदी शेयर पूंजी 100 करोड़ रुपे होग।
- एहदे च पूरे मुख् च परिचालन क्षेत्र होग, जिसदा पंजीकृत दफ्तर एनडीडीबी, आनंद, गुजरात च होग।

जैविक सोसायटी दी संरचना ते फायदे

- निर्यात लेई संस्थागत समर्थन दा प्रावधान अर्थात इकट्ठा करना, प्रमाणीकरण, परीक्षण, खरीद, भंडारण, प्रसंस्करण, ब्रांडिंग, लेबलिंग, पैकेजिंग, रसद सुविधाएं, जैविक उत्पादें दी विपणन ते जैविक करसानें गी माली मदद दा प्रबन्ध करना।
- निर्धारत मापदंडें गी पूरा करने लेई पैल वालियां जैविक परीक्षण लैब ते प्रमाणीकरण निकाएं गी मान्यता दिती।

जैविक उत्पादें दी पूरी सप्लाई चेन दा प्रबन्धन करना।

- अमूल ते होरनं एजेंसियें दे ब्रांड ते मार्केटिंग नेटवर्क दा इस्तेमाल करना, जिसलै के वैश्विक बाजार च जैविक उत्पादें दी पहुंच ते मंग च बाढ़ा करना।
- जैविक उत्पादकें गी तकनीकी मार्गदर्शन, प्रशिक्षण ते क्षमता निर्माण दा प्रावधान ते जैविक उत्पादें लेई समर्पित बाजार खुफिया प्रणाली दा विकास ते बनाए रखना।
- घरेलू ते वैश्विक बजारें च जैविक उत्पादें दी मंग ते खपत दी क्षमता दा रस्ता खोलना।

राष्ट्रीय स्तरीय बहुराज्य सहकारी बीज सोसायटी

माननीय प्रधानमंत्री नरेंद्र मोदी हुंदी अध्यक्षता च केंद्रीय मंत्रिमंडल नै 2002 दे बहुराज्य सहकारी संस्थाएं (एमएससीएस) अधिनियम दे तैहत् राष्ट्रीय स्तर दी बहुराज्यीय बीज सहकारी संस्था बनाने ते इसगी बढ़ावा देने दे ऐतिहासिक फैसले गी मंजूरी देई दिती। देश भर च बक्ख-बक्ख सहकारी संस्थाएं दे माध्यम कन्नै सरबन्धत मंत्रालयें खास करियै कृषि ते करसान कल्याण मंत्रालय, भारतीय कृषि अनुसंधान परिषद (आईसीएआर) ते राष्ट्रीय बीज निगम (एनएससी) दे माध्यम कन्नै 'सब सरकार दे दृष्टिकोण' दे बाद अपनी योजनाएं ते एजेंसियें दे माध्यम कन्नै समर्थन कन्नै ऐह इक शिखर संगठन दे तौर उपपर कम्म करग गुणवत्ता आहू ले बीएं दा उत्पादन, खरीद, प्रसंस्करण, ब्रांडिंग, लेबल, पैकेजिंग, भंडारण, विपणन ते वितरण; रणनीतिक अनुसंधान ते विकास; ते देसी प्राकृतिक बीS दे संरक्षण ते बढ़ावा देने आस्तै इक प्रणाली विकसित करने लेई कम्म करग।

माननीय प्रधानमंत्री होरें दिक्खेआ ऐ जे सहकारी संस्थाएं दी ताकतें दा फायदा लैने ते उनेगी सफल बनाने ते जीवंत कारोबारी उद्यमं च बदलने जे सब्बन जतन कीते जाने चाहिदे ने तां जे 'सहकर-से-समृद्धि' दे विजन गी साकार कीता जाई सकै। कीजे देश गी खेतीबाड़ी ते संबद्ध क्षेत्रें च सहकारी संस्थाएं च ग्रामीण आर्थिक बदलाव दी कुंजी ऐ।

कृषि विकास लेई गुणवत्ता आहू बीज कीS ?

- दुनिया दे कुल जमीन क्षेत्र च सिर्फ 2.3% हिस्सेदारी आहू भारत गी अपनी बड़ी आबादी दी खाद्य सुरक्षा सुनिश्चित करना होग जेहड़ी दुनिया दी आबादी दा 17.7% ऐ।
- इस गल्ले गी दिक्खे होई जे खेतीबाड़ी आहू इलाके च बधाS दी संभावना नेई ऐ। इस करियै गुणवत्ता आहू बीएं उपपर जोर देइयै। खेतीबाड़ी जमीन दी प्रति इकाई उत्पादकता बधाने उपपर जोर देना होग।
- अनुमान ऐ जे कुल उत्पादन च गुणवत्ता आहू बीएं दा सीधा योगदान फसल दे आधार उपपर लगभग 15-20% ऐ, ते इसगी होर इनपुटें दे कुशल प्रबन्धन कन्नै होर 45% तगर बधाया जाई सकदा ऐ।

गुणवत्ता आहू बीएं च सहकारी संस्थाएं कीS ?

देश च 8.54 लक्ख पंजीकृत सहकारी संस्थाएं न जिंदे च 29 करोड़ शा मते सदस्य न। चूँकि करसान बीS दे प्राथमिक उत्पादक ते उपभोक्ता दोनों ने ते चूँकि भारतीय करसानें दा बहुमत घट्ट शा घट्ट इक सहकारी संस्था दे सदस्य ने। इस करियै ऐ उचित संस्थागत समर्थन करेके एह सहकारी संस्थाएं गी बीS दी बरतून करियै वांछित बीS प्रतिस्थापन दर (एसआरआर) ते किस्म दे प्रतिस्थापन दर (वीआरआर) हासल करने लेई बी शामिल कीता जाई सकदा। इस चाल्ली, सहकारी संस्थाएं दी ताकत गी, करसानें च अपने बड्डे सदस्यता आधार दे कारण उत्पादन, उन्नत परीक्षण सुविधा दे विस्तार ते बीएं दी किस्म दे परीक्षण दे मकसद कन्नै इस्तेमाल कीता जाई सकदा ऐ, जेहड़ा पैदावार दे अंतर गी घट्ट करने च मददगार होई सकदा ऐ।

बीज सोसायटी स्थापित करने की प्रेरणा

इरादा ऐ जे सारे संभावित विपणन चैनलें दे राएं अपने ब्रांड दे नांS कन्नै गुणवत्ता आह्वे बीएं दा बक्ख-बक्ख गतिविधियें- उत्पादन, खरीद, प्रसंस्करण, ब्रांडिंग, लेबलिंग, पैकेजिंग, भंडारण, विपणन ते वितरण गी पूरा करने आस्ते 2002 दे बहु-राज्य सहकारी संस्थाएं अधिनियम दे तैहत् राष्ट्रीय स्तर दी बहु-राज्य सहकारी बीज सोसायटी दी स्थापना ते बढ़ावा देग।

बीज सोसायटी दा प्रबंधन

- त्रै अग्रणी राष्ट्रीय सहकारी संस्थाएं अर्थात् भारतीय करसान खाद सहकारी समिति (आईएफएफसीओ), कृषक भारती सहकारी लिमिटेड (केआरआईबीएचसीओ) (मुख्य प्रमोटर) ते राष्ट्रीय कृषि सहकारी विपणन महासंघ भारत लिमिटेड (एनएएफईडी) दे कन्नै-कन्नै दो वैधानिक निकाएं, अर्थात् राष्ट्रीय डेयरी विकास बोर्ड (एनडीडीबी) ते राष्ट्रीय सहकारी विकास निगम (एनसीडीसी) नै 50 करोड़ रुपें दा योगदान देने ते बीज सहकारी संस्था दे प्रमोटर सदस्य बनने दा संकल्प लैता ऐ।
- सोसायटी दी अधिकृत शेयर पूंजी 500 करोड़ रुपे होग ते 250 करोड़ रुपे दी शुरूआती भुगतान कीती गेदी कन्नै शेयर पूंजी स्थापित कीती जाग।
- एह शेयर पूंजी, दाखले ते होर शुल्क, ऋण, नकद क्रेडिट, व्यावसायिक कागजात, बैंक/एफआई दे ओवरड्राफ्ट, केंद्र ते राज्य सरकारें थमां अनुदान-इन-एड ते सब्सिडी, सदस्यें ते होरनें संगठनें थमां दान/योगदान दे माध्यम कन्नै भारत ते विदेशें च कन्नै मुनाफे च फंड जुटाग।
- आईसीएआर बी प्रस्तावित सोसायटी जो अपने कम्म शुरू करने वास्ते प्रमोगक बीज कन्नै तकनीकी सहायता देने जो तैयार ऐ।

सोसायटी दे कम्म ते दायरे

- प्रस्तावित सोसायटी प्राथमिक कृषक सहकारी सोसायटी (पीएसीएस), बहु-राज्य सहकारी सोसायटी (एमएससीएस) कन्नै राष्ट्रीय, राज्य जिले स्तर दे फेडरेशनों दे जरिए कम करग, एसआरआर, वीआरआर गी बधाने कन्नै सब्बे किस्म दे सहकारी संरचनाएं ते बाकी सारे साधनें गी शामिल करिये, गुणवत्ता आह्वे बीS दी खेती ते बीS दी किस्म दे परीक्षण, उत्पादन च करसानें दी भूमिका गी सुनिश्चित करिये ते इक गै ब्रांड नांS कन्नै प्रमाणित बीएं दा बंड बी करग।
- इसदे संचालन दा क्षेत्र पूरे देश च होग। शुरू च पंजीकृत दफ्तर नई दिल्ली च होग।
- प्राथमिक थमां लेइयै राष्ट्रीय समेत हर स्तर उप्पर सहकारी संस्थाएं, जेहड़ियां बीS दे कारोबार च रुचि रखदियां नै, प्रस्तावित सोसायटी च सदस्य दे तौर उप्पर शामिल होने दे योग्य होडन।
- सोसायटी दा संचालन निदेशक मंडल आसेआ मुख् कार्यकारी अधिकारी दी मदद कन्नै अपने उप-नियमों ते एमएससीएस कानून ते नियम 2002 दे मताबक कीता जाग जेहदे च समे-समे पर संशोधन कीता जंदा ऐ। एह अपने सदस्यें गी जवाबदेह होग।
- सोसायटी भारत सरकार दा 'पूरे सरकार दृष्टिकोण' दे माध्यम कन्नै केंद्रित तरीके कन्नै बक्ख-बक्ख मंत्रालयें दी बक्ख-बक्ख योजनाएं ते नीतियें दा फायदा लेंदे होई त्रै पीढ़ियें दे बीएं दे उत्पादन, परीक्षण, प्रमाणीकरण, खरीद, प्रसंस्करण, भंडारण, ब्रांडिंग, लेबल ते पैकेजिंग उप्पर ध्यान देइयै अपनी गतिविधियें गी पूरा करग।

सोसायटी दे फायदे

- बीS सहकारी संस्था इस गल्लै गी यकीनी बनाग जे 29 करोड़ छोटे ते सीमांत भूमिधारक सहकारी करसान सदस्यें गी उत्पादन, वितरण, गुणवत्ता आह्वे बीएं दी विपणन ते परंपरागत प्राकृतिक बीएं दे संरक्षण दा फायदा हासल होऐ। सोसायटी बीS परीक्षण सुविधा ते किस्म दे परीक्षण दे उन्नयन दे राएं इस मकसद गी हासल करग।
- सोसायटी दे उप-नियमों दे अनुसार इक हिस्से गी रिजर्व दे रूप च बनाई रखने दे बाद सोसायटी गुणवत्ता आह्वे बीS उत्पादन, खरीद, प्रसंस्करण, पैकेजिंग, मार्केटिंग बगैरा थमां अपने सारे मुनाफे गी हिस्सा लैने आह्वे करसानें गी हस्तांतरित करग।
- सोसायटी गुणवत्ता आह्वे बीएं दे उत्पादन, प्रसंस्करण, भंडारण, विपणन ते वितरण लेई सहकारी संस्थाएं दी क्षमताएं गी बधाग, जिसदे कन्नै खेतीबाड़ी उत्पादकता च सुधार होग, जिसदे फलस्वरूप ग्रामीण अर्थव्यवस्था दा समावेशी विकास होग, जेहड़ी देश दी रीढ़ ऐ।
- सोसायटी बीS बदलने दी दर, किस्म बदलने दी दर च बाढ़ा करने च मदद करग, गुणवत्ता आह्वे बीS दी खेती ते बीS किस्म दे परीक्षण च करसानें दी

भूमिका गी यकीनी बनाने, इक गै ब्रांड नांS कन्नै प्रमाणित बीएं दे उत्पादन ते वितरण च, सब्बे स्तरें दे सहकारी संस्थाएं दे नेटवर्क दा उपयोग करिये। गुणवत्ता आह्वे बीएं दी उपलब्धता कन्नै खाद्य सुरक्षा गी मजबूत करने च खेतीबाड़ी उत्पादकता च बाढ़ा करने ते करसानें दी आमदनी च बी मदद थोग।

- भारतीय राष्ट्रीय सहकारी संघ (एनसीयूआई) आसेआ प्रकाशत आंकड़ें मुजब, लगभग 13.30% प्रत्यक्ष रोजगार सहकारी क्षेत्र थमां पैदा होँदा ऐ। इस प्रस्तावित सोसायटी दे राएं गुणवत्ता आह्वे बीएं दे उत्पादन कन्नै देश च खेतीबाड़ी उत्पादन च बाढ़ा होग, जिसदे कन्नै खेतीबाड़ी ते सहकारी क्षेत्र च मती रोजगार पैदा होग। गुणवत्ता आह्वे बीएं दे प्रसंस्करण, विपणन ते वितरण कन्नै बी इनें क्षेत्रें च होर रोजगार पैदा होग, जिसदे कन्नै ग्रामीण अर्थव्यवस्था गी बढ़ावा थोग, 'मेक इन इंडिया' गी बढ़ावा देग ते आत्मनिर्भर भारत दा रस्ता शुरू होई जाग।
- एहदे कन्नै सहकारी संस्थाएं दे समावेशी विकास माडल दे राएं 'सहकार-से-समृद्धि' दे लक्ष्य गी हासल करने च बी मदद थोग, जित्थें सदस्यें गी गुणवत्ता आह्वे बीएं दे उत्पादन कन्नै बेहतर कीमतें दा एहसास, उच्च पैदावार आह्वे किस्म दे इस्तेमाल कन्नै फसलें दा मता उत्पादन, दौनें दा फायदा होग (एचवाईबी) बीS ते सोसायटी आसेआ पैदा कीते गेदे सरप्लस लाभांश कन्नै बी थमां बंड कीते गेदे।
- सहकारी संस्थाएं दे 29 करोड़ सदस्यें गी फायदा होग जेहड़े मते तौले प्राई इलाकें च करसान समुदाय, हाशिए पर रौहें आह्वे ते घट्ट आमदनी आह्वे समूहें दे न।

ऐतिहासिक एमओयू पर हस्ताक्षर कीते गे - सीएससी आसेआ पेश कीती गेदी 300 शा मती ई-सेवाएं गी उपलब्ध कराने लेई पीएसीएस



इक ऐतिहासिक फैसला लेंदे होई, माननीय प्रधानमंत्री हुंदे 'सहकर से समृद्धि' दे सपने गी पूरा करने दी दिशा च, प्राथमिक कृषि ऋण सोसायटीएं (पीएसीएस) गी सेवाएं देने च सक्षम बनाने लेई 2 फरवरी, 2023 गी केंद्रीय गृह ते सहयोग मंत्री, अमित शाह, ते केंद्रीय इलेक्ट्रानिक्स ते सूचना प्रौद्योगिकी मंत्री, अश्विनी वैष्णलव हुंदी मौजूदगी च आम सेवा केंद्रें (सीएससी) आसेआ पेश करदे होऐ इक समझौता ज्ञापन पर हस्ताक्षर कीते गे। इस समझौते पर नई दिल्ली च सहयोग मंत्रालय, इलेक्ट्रानिक्स ते सूचना प्रौद्योगिकी मंत्रालय, नाबार्ड ते सीएससी ई-गवर्नेंस सर्विसेज इंडिया लिमिटेड बश्कार हस्ताक्षर कीते गे। इस मौके उप्पर सहयोग राज्य मंत्री बीएल वर्मा, सहयोग मंत्रालय ते इलेक्ट्रानिक्स ते सूचना प्रौद्योगिकी मंत्रालय दे सचिव बीएल वर्मा, सहयोग मंत्रालय, नाबार्ड ते एनसीडीसी दे वरिष्ठ अधिकारी मौजूद हे।

अपने संबोधन च सहकारिता मंत्री होरें आक्खेआ जे पीएसीएस सहकारी संस्थाएं दी आत्मा ऐ ते उनें गी बहुउद्देशीय बनाने कन्नै तकरीबन 20 सेवाएं दे प्रदाताएं दे तौर उप्पर ग्रामीण इलाकें च रोजगार दे मौकें च बाढ़ा होग। उनें आक्खेआ जे ग्रामीण ते खेतीबाड़ी विकास च पीएसीएस दी भूमिका ते योगदान बड़ा मता जरूरी ऐ। इस समझौते गी सारे लेई जीत-जीत दी स्थिति करार दिंदे होई उनें टिप्पणी कीती जे एह सहकारी संस्थाएं ते करसानें दोनें गी मजबूत करने च इक क्रांतिकारी कदम साबित होग, ते सीएससी दी अवधारणा गी देश दी सारे शा घट्ट इकाई तगर पजाने च बड़ी आसानी कन्नै मदद करग। इस एमओयू कन्नै पीएसीएस हून सीएससी दे तौर उप्पर कम्म करी सकग, इसदे कन्नै गै पैक्स दे 13 करोड़ करसान सदस्यें समेत ग्रामीण आबादी गी 3 सौ शा मती सेवाएं उपलब्ध करोआए जांगन। एहदे कन्नै पीएसीएस दी कारोबारी गतिविधियें च बाढ़ा होग ते उनें गी स्व-निर्भर आर्थिक संस्थाएं बनने च मदद मिलग; ते इस पैहलुकदम कन्नै पैक्स हून नागरिकें गी सीएससी योजना दे डिजिटल सेवा पोर्टल पर सूचीबद्ध सब्बे सेवाएं गी उपलब्ध करोआने च सक्षम होई जाग, जिंदे च बैंकिंग, बीमा, आधार नामांकन/अपडेट, कानूनी सेवाएं, खेतीबाड़ी उपकरण, पैन कार्ड, आईआरसीटीसी, रेल, बस, ते हवाई टिकटें कन्नै सरबन्धत सेवाएं बगैरा केंद्रीय सहयोग मंत्री होरें एह बी घोशणा कीती ऐ

जे पैक्स कम्प्यूटरीकरण की जारी केंद्रीय प्रायोजित योजना दे तैहत विकसित कीते जारदे राश्ट्री सॉफ्टवेयर दा बी इस्तेमाल पीएसीएस जी सीएससी दे रूप च कम करने लेई कीता जाग, जो बड्डी उपलब्धि होग।

साभार: पीआईबी

एनसीयूआई च एनसीपी पैनल की बैठक: नमें एनसीपी ड्राफ्ट च सहकारिता भर्ती बोर्ड ते सहकारिता टिबूनल दा प्रस्ताव होई सकदा ऐ



24 जनवरी 2023 की एनसीपी पैनल नै एनसीयूआई दे मुख्यालय च पराने केंद्रीय मंत्री सुरेश प्रभु हुंदी अध्यक्षता च नमी राष्ट्रीय सहकारी नीति (एनसीपी) दस्तावेज बनाने लेई राष्ट्रीय स्तर की कमेटी की अपनी 6मी बैठक लाई। इस बैठक च किश अग्रणी सुझाएं च राष्ट्रीय सहकारी लेखा परीक्षण ते लेखा बोर्ड जां राष्ट्रीय सहकारी न्यायाधिकरण, ते राष्ट्रीय सहकारी भर्ती बोर्ड दा गठन शामिल ऐ। पैनल दे सदस्यें दे इन सारे क्रान्तिकारी विचारें ते सुझाएं की अंतिम रूप दिते गेदे एनसीपी मसौदे च शामिल कीता जारदा ऐ।

एनसीयूआई दे अध्यक्ष दिलीप संधानी, क्रिभको दे एमडी राजन चौधरी, आरबीआई दे केंद्रीय बोर्ड निदेशक सतीश मराठे, एनएफसीयूबी दे अध्यक्ष ज्योतिंद्र मेहता, वैमनिकॉम दे निदेशक हेमा यादव, एनएफसीएसएफ दे एमडी प्रकाश नैकनावरे, नाबार्ड दे चेयरमैन शाजी केवी, उदयपुर दूध उत्पादन सहकारी संघ की अध्यक्ष गीता पटेल, ते होरनें पैनल सदस्यें, बैठक च हिस्सा लैता।

नमें एनसीपी मसौदे च भारतीय बैंक आफ नेशनल कोऑपरेटिव की स्थापना दा बी प्रस्ताव ऐ जेहड़ा नाबार्ड दे समान खेड्डाग। नीति दस्तावेज दे मसौदे च प्रस्तावित कीते जाने आह ले केई होर शीर्ष निकाएं च विकास वित्तीय संस्थान, राष्ट्रीय सहकारिता यूनिवर्सिटी, उत्कृष्टता आस्ते केंद्र, राष्ट्रीय सहकारिता ऑडिट ते लेखा बोर्ड, राष्ट्रीय निर्यात बहुराज्य सहकारिता सोसाइटी, ते होर मते शामिल न। नमें एनसीपी 2022 दा मसौदा, अगले 25एं बरें लेई रोडमैप की पेशकश करदा ऐ यानी 2024-2047 थमां। रणनीति 2.5 लख फ्रंक्शनल पीएसी की कम्प्यूटरीकृत करना, उनेंगी इक आम राश्ट्री मंच पर लाना ते सब्भे हितधारकें कत्रै राष्ट्रीय सहकारिता डेटाबेस की इकट्टा करना ऐ। ते 2047 तगर एनसीपी दे मसौदे च 6 लख नमें पीएसी, डेयरी ते मच्छी पालन सहकारिता स्थापित करने की योजना ऐ। इसदे अलावा इस च 50 करोड़ बोर्ड सदस्यें ते होरनें की सिखलाई देने की बी गल्ल कीती गेई ऐ।

साभार: Indiancooperative.com

गांधी नगर च बी20 इंडिया इंसेप्शन मीटिंग



3 दिनें की बी20 इंडिया मीट किछ रोज गै गुजरात दे गांधी नगर च होई ही। इस बैठक च डा. चंद्रपाल सिंह यादव (अध्यक्ष आईसीए-एपी ते चेयरमैन क्रिभसीओ), दिलीप

संधानी (अध्यक्ष एनसीयूआई ते चेयरमैन इफ्फसीओ), ते सावित्री सिंह (उपमुख्य कार्यकारी, एनसीयूआई) ने हिस्सा लैता। इस वक्त, भारत जी-20 की अध्यक्षता संभालदा ऐ, जेहड़ा इक बड्डी विकसित ते विकासशील दुनिया दे मुख्खें दा समूह ऐ। सितंबर 2023 च भारत 18में जी-20 शिखर सम्मेलन की मेजबानी करग। इसदे शा पैहलें जी-20 दे बड्डी समूहें की केई बैठकें दा आयोजन कीता जाना ऐ, जिदे च बी-20 बी शामिल ऐ।

बिजनेस 20 (बी20) इस संगठन दे प्रमुख आधिकारिक समूहें च शामिल ऐ,

जिस च कम्पनियां, ट्रेड यूनियनें ते बहुपक्षीय संगठन शामिल नै। भारतीय उद्योग महासंघ की सरकार आस्सेआ आधिकारिक तौर उपपर बी-20 सचिवालय दे तौर उपपर भारत की जी-20 अध्यक्षता दौरान बी-20 की अगुवाई ते मेजबानी करने लेई नामित कीता ऐ। बी20 भारत 7 टास्क फोर्स ते 2 टास्क काउंसिल दे जरिए कम्म करग। जी-20 समूह च अर्जेन्टीना, आस्ट्रेलिया, ब्राजील, कनाडा, चीन, फ्रांस, जर्मनी, भारत, इंडोनेशिया, इटली, जापान, कोरिया गणराज्य, मैक्सिको, रूस, सऊदी अरब, दक्षिण अफ्रीका, तुर्की, यूनाइटेड किंगडम, अमरीका, ते यूरोपीय संघ शामिल नै।

एनसीयूआई ने सी-20 वर्किंग ग्रुप दे वेबिनार च हिस्सा लैता

एनसीयूआई की डिप्टी सीई सावित्री सिंह होरें 22 जनवरी 2023 की सी-20 वर्किंग ग्रुप आस्सेआ आयोजित इक वेबिनार च हिस्सा लैता हा। एनसीयूआई दे डिप्टी सीई होरें भारत दे सहकारी आंदोलन दा परिचय दित्ता ते सफल भारतीय सहकारिता कारोबारें बारे बी विस्तार कत्रै दस्सेआ। इसदे अलावा 30 करोड़ सहकारिता सदस्यें की सामाजिक-आर्थिक विकास च उंदे मते महत्व आहू योगदान की सूची बी दित्ती। सी-20 की मुख्ख नीतिगत संदेश दे तौर उपपर उनें सिफारिश कीती जे एसडीजी हासल करने च सहकारिता दे योगदान की इक बड्डी कारक दे तौर उपपर पन्छानेआ जा ते बक्ख-बक्ख जी-20 कम्म आहू समूहें च उचित थाह र दित्ती जा ते सरबंभत रिपोर्टें ते सिफारिशें च बी उंदा जिक्र कीता जा। सिविल 20 (सी20) जी20 दा इक आधिकारिक सगाई समूह ऐ। नागरिक समाज संगठनें (सीएसओ) लेई जी-20 दे मंच दे तौर पर, सी20 जी-20 दे नेताएं की गैर-सरकारी ते गैर-व्यापारिक आवाजें की सामने लांदा ऐ। इसलै भारत जी-20 की अध्यक्ष पद उपपर ऐ।

एनसीयूआई ने नितकॉन लिमिटेड कत्रै इक एमओयू पर हस्ताक्षर कीते: सहकारिता उद्यमिता की बढ़ावा देने दा इक उल्लेखनीय कदम



सहकारिता उद्यमिता की बढ़ावा देने लेई प्रतिष्ठित संसाधन संगठन कत्रै संपर्क बनाने दे अपने प्रयास की जारी रखदे होई, एनसीयूआई ने नितकॉन लिमिटेड कत्रै इक एमओयू पर एनसीयूआई दे अध्यक्ष, दिलीप संधानी, डा. सुधीर महाजन, सीई, एनसीयूआई, ते सतविंदर सिंह, एमडी, नितकॉन लिमिटेड की मौजूदगी च हस्ताक्षर कीते, 2 फरवरी 2023 की।

इस उल्लेखनीय सहयोग दे राएं एनसीयूआई की एसएचजी ते कोप दे उत्पादें की बढ़ावा देने, मार्केटिंग कोलेटरल विकसित करने, उद्यमिता विकास प्रशिक्षण कार्यक्रमें, ते रिकार्ड दा डिजिटलीकरण, सॉफ्टवेयर विकास, बक्ख-बक्ख परियोजनाएं लेई आईटी हार्डवेयर आपूर्ति बगैरा समेत आईटी सेवाएं कत्रै अपने ऊष्मायन केंद्र की मजबूत करने दा कम्म करग। 1984 च स्थापित, नितकॉन लिमिटेड इक सरकारी संगठन ऐ जेहड़ा औद्योगिक, शिक्षा ते सेह त देखभाल च आईटी ते परामर्श सेवाएं, कौशल विकास, प्रशिक्षण ते क्षमता निर्माण जनेह क्षेत्रें च कम्म करदा ऐ।

केंद्र सरकार ने की बहु-राज्य सहकारी निर्यात समिति बनाने को मंजूरी



चार प्रमुख सहकारी समितियां इफको, कृभको, नेफेड, जीसीएमएनएफ और एनसीडीसी प्रत्येक 100 करोड़ रुपये का योगदान देंगी।

सोसायटी के पास ₹ 2,000 करोड़ की अधिकृत शेयर पूंजी होगी व सोसायटी की प्रारंभिक चुकता शेयर पूंजी ₹ 500 करोड़ होगी।

परिचालन का क्षेत्र नई दिल्ली में पंजीकृत कार्यालय के साथ पूरे देश में होगा।

संबंधित मंत्रालयों - विदेश मंत्रालय, वाणिज्य और उद्योग मंत्रालय से सहयोग लिया जायेगा।

सहकारी समितियां - प्राथमिक से राष्ट्रीय तक सदस्यों के रूप में समिति में शामिल होने के लिए पात्र हैं।